

我們的中山室惠存

光緒嘉應州志

存

表

六五四

共十四卷

光緒嘉應州志卷四

梁居實初輯

饒集馨初輯

溫仲和覆輯

山川

粵東嶺海輿區西北負山東南阻水嘉應於省會爲東境然
近江西之贛州故其地獨多山週羅森列者不盡可名也若
夫發脈雄遠有飛舞而來之勢朝對整秀環衛重疊多靈異
之境則亦有足紀者蓋以平遠之石鎮爲祖山由西北而東
南平遠長田居左韓莆大坪居右包裹中幹八十里至景賢
鋪之分水凹過峽復聳拔而起于髻嶂是爲少祖自是由北
而南又分蓮塘角五峰窰二翼二十餘里至洋門老虎凹再

東一峽左自礫下山出三鄉寨右自摺田出石壁宮中間蜿蜒起伏十有五里至五里亭偏西入州治金山爲枕梅溪如帶諸峰環擁衆水會流誠山水秀區也前志稱形如奔江之龜又云昔樊宇精於地理謂程江西來一水環抱如獻金牌形家之言如是要之清淑之氣必有所鍾王武子孫子荆各言其土地人物武子云其地坦而平其水淡而清其人廉且貞子荆云其山崔巍以嵯峨其水洺渌而揚波其人磊砢而英多事有可稽非徒記勝也茲從金山起由東而南而西而北自近而遠以次爲序前志所載無考者仍其名未備者訂正之割隸他邑者不錄

王志

金山聳立城北女牆跨其上

王志

在州治後四十步

統志

大清一

東山在城東四里上有文昌閣左支有石塔右麓東山書院下

爲狀元橋周溪水過此會梅溪

王志

案東山距城二里石塔今址

東巖在城東六里山不高峻巖曠而平山僧依巖構屋境况幽雅巖左稍曲有石鼓以石擊之蓬蓬有聲舊志載其上有水簾宋監奎讀書巖中有詩云懶思身外無窮事願讀人間未見書亦名東安巖又名石鼓巖

王志

案輿地紀勝云東巖亦名東安巖在州之東五里粵東名勝志云在城東六里高丈餘廣二丈中凹而坦

迴龍山在城東七里山勢自北來南駐於河岸迴抱州城麓有

齊洲寺

王志

陽東巖在城東十二里夾兩山間巖小而地高爽原程鄉知縣曹廷懿於巖下關圃栽梅百株作詩紀事有試種梅花看結子

青酸一樣鬪風流之句右有白衣巖

下志

仇昌祚遊陽東巖詩 休論杞墜事如何
萬里虞翻空作宦三年莊舄尚吟哦
長松檻外蘿欲究生心無住處轉
巖程令王天與員酌招客一首
樹納涼時聊將判簿書許日好
樹晚塘前浪濺水花遲今宵
北風未月期閣外霞連山
山公與暫把僧居作習

王志

百花嶂在城中十二出高數十丈與百花洲相照故名俗呼為

白花洞東關保障山也 王志

案 大清一統志云百花山在城東十二里山勢起伏

相連如城堞高十餘丈與百花洲相掩映故名採訪冊作

距城五里

旗山在城東十五里形如展旗乘龍之從山 王志

葵嶺在城東三十里有葵嶺寺舊志葵山疑即此 王志

龜潭嶺在城東南十五里嶺下有潭舊志載遇旱則禱雨於潭

王志

雙筆峯在城東南三十里雙峰並立峭直如筆

王志

馬鞍嶺在城東南三十五里脈自陰那山來勢接明山而首向北州鎮水口山也舊志作鎮平河水口誤案嶺在丙村俗名平頂巖形似馬鞍故又名馬鞍嶺近年鄉人李師錫等於巖內掩埋無王枯骨竟爲義塚矣

王志

案采訪冊云查此嶺在丙村堡西北萬安約內之山其對面爲鎮平河水口舊志不誤三十五里當作四十五里

九峰山在城東南四十里九峰錯出舊志云山在丙村一統志作西洋誤

王志

案元和郡縣志云西陽山在程鄉縣東南四十五里元豐

九域志輿地紀勝俱有西陽山其來甚古 大清一統

志云舊志名西洋山峰巒周匝一名九峰山據此則西洋

山即西陽山西陽山以存古名九峰山以著今名一統志

所引舊志本不誤元和志云在縣東南四十五里與山在

丙村正合明山名西陽非山在西洋也王志似誤會

明山在城東南六十里一統志云上有招仙觀下有龍潭歲旱

禱雨輒應昔有羽流隱此辟穀尸解留偈云形容陋古守真無

取海底明珠照破秋浦仲和案南宋王象之輿地紀勝云招仙觀舊在明山之頂昔有羽流隱此云云

一統志當本於此觀久廢康熙六年鄉人李升改建仙花寺又山下舊

有感應廟後為明山宮仲和案輿地紀勝云感應廟在西洋之東明山之下慶厯間江濤驟溢有神像

三軀浮江而下至西洋止焉迺迎至於岸祀以牲酒而與盟曰神其靈乎相我有年當廟祀而傳永久不然則否已而秋果大

熟乃基其宮而歲祀之案潮州有明山巾山獨山三山此其一也府志元

編修劉希孟揭陽明貺廟記云玉峰之右渡水爲明山西接梅
州州以爲鎮云云詳寺廟志又案廣東省志西麓爲大峰山西
洋村之水出焉

王志

案廣東輿圖云在城東南四十里高九百餘丈周三百里
下有龍潭禱雨卽應西麓爲仙花嶂西洋之水出焉又案
潮州府揭陽縣明山巾山獨山近長樂界與此相距甚遠
似不得合爲一

仙花嶂明山中一山舊志鄉人或見花開其巔形若蓮科年邑
人望其璀璨照耀處計其花數以占科名一說以花占選舉花
之紅黃色爲甲白爲科常年則以紅黃爲歲豐白爲歲歉潮州
府志謂其花正向則人安又見有別書亦載此嶂花開如蓮大
約丈餘其色白則人安紅則人災爲說不一然曰仙花當不易

見云 王志

案潛確類書仙花嶂花開如蓮大約丈餘其色白則人安紅則人災王志所謂別書者當卽此又案輿地紀勝明山在州之東三十里山巔有古池池有荷花五色昔有叟黃姓者採茶於山值兩人坐石而奕叟異之拱其旁俄而奕者曰子何爲至此若知山有虎乎我有拳石以遺子叟得石移步輒失奕者所在旣而果有虎負嵎若將噬叟者叟擲石虎卽遁拾石以歸已三年矣投石於湖而湖涸後卽石乃白金也今人目其湖曰銀湖未幾叟絕粒竟不知其所終山有觀曰招仙粵東名勝志亦載其事阮通志據以著錄云

銅鼓嶂在城東南八十里在明山之後峰巒連絡嵯峨雲表界

豐順大埔二邑巖洞深僻貫穿不測明季盜賊多營窟其中險

阻之區也

王志

案

大清一統志云高九百餘丈周一百餘里與海陽

大埔二縣接界王志云界豐順者蓋豐順析海陽置也又案方輿紀要云山勢險峻爲盜賊窟穴大埔縣志云高約數百丈綿亘數十里一面嘉應豐順一面大埔下爲銀溪古野三洲等村嶂有小尖南溪數處古爲賊巢崇正辛未間鍾靈秀據此

陰那山在城東南八十里山峰秀峭澗壑深幽相傳唐僧了拳結茅於此今爲靈光寺後有五指峰與大埔連界五峰皆奇險然可登左香爐右白虎二峰拱抱有奇偉氣寺前栢樹三爲了拳手植大可三四人合抱鐵幹虬枝蒼翠拂雲千餘年物也山

中勝景頗多鐵橋蓬萊徑船窩琴石仙遇湖伴雲居皆是遊賞
其水瀑布晶簾處處雷轟濤湧而茶泉月湖又別具清冷之趣
其紅黃紫白各色杜鵑花及西番蓮樛子白菓紫蒲萄之屬諸
花皆州地所不產者而山中獨有之又產五色雀小如鷦鷯出
則千百成羣羽毛鮮艷與屈翁山新語所記產羅浮者不異至
其載蘇文忠海南五色雀詩能預報陰晴可稱靈禽而此山五
色雀山中人以占寒燠至則燠不至歲必寒斯亦靈矣羅浮所
產未聞有此新語謂嶺南花鳥與中州不同羅浮花鳥又與嶺
南不同而此山五色雀則更有不同於羅浮者矣

王志

案寰宇記陰那山在海陽縣

案大埔自唐為海陽縣地明成化以後為饒平縣地嘉靖

五年始析饒平海陽二縣地置大埔縣

方輿紀要云形如仙掌

大清一

統志云陰那山在大埔縣西八十里東連真崙西接嘉應

州界綿亘二百餘里五峰連峙狀如火燄俗名五指峰下

有陰那坑出泉清冽

蘇軾遊陰那山詩序 自惠來潮訪韓山再六日歸舟蓬
棘聞高僧了拳結廬於其上及茲一覽水石雲林誠爲羅
浮仲肇也 吾治有羅浮既爲東嶽奇又間有此山更爲
羅浮惟中有唐僧者自言慚愧師翁雲鋪法界輪月照禪
帷色相窺峰石慈悲渡我來惠不遠僧去既多時佛
骨藏金塔禪宗看碧荷香浮空鶴舞鐘逐曉風馳吾自虛
無寂中肅未發之 案王志阮通志俱辨此詩爲贋作而
仍載之今亦未便削去並附王志辨曰按此詩可疑者有
五文忠全集及寓惠集俱無此詩一也語意淺俗不類公
作二也詩序云自惠來潮按年譜紹聖元年十月至惠四
年五月再貶昌化軍居惠三十月中間遊覽酬僧見之詩
文序次月日歷歷可考並無至潮事三也公之居惠安置
其地非守土官今詩首句曰吾治有羅浮既非惠官何言
治耶四也詩序云爲羅浮仲肇詩云更爲羅浮推則自不
照應筆字亦說不去五也此等皆顯而易見略一考訂真
贋昭然作僞者欲假公以重茲山不知此詩實不足以爲
重而乃以汗前賢本當刪削以舊志流傳已久故存而論
之 蔡蒙吉遊陰那山詩 宮闕天懸絕勝奇况臨泉石
畫中窺五峯青翠冠纈纈玉二水週迴練拂瀾魚鳥若能明
正定援猴一似發菩提沉沉鐘鼓僧間寂客亦忘言自得

之 王守仁遊陰那山詩并序 予既自宗山歸嶺而聞

有此那山隨泊舟蓬辣快所一登果爾佛靈山傑以是較

宗山宗山小矣時門人海陽薛子侃饒平二楊子璣爲同

一翫云 路入叢林境盤旋五指巔奇峯青卓玉古石碧

鍾泉吾自中庸客間過靈怪所苦提何所樹盤湟是其偏

輪迴非日釋寂滅豈云禪有偈知誰解無聲合自然風楠

自不定予亦坐忘言 王志 王元樞游陰那山詩 世

事幻屈伸悉數仍惚恍誰能入鬱鬱五載於塵網微雷息

蓬濯涼颼引竹枝凌旦陟陰那大道示如掌參差畫龍文

左右界天象了師何慚愧吾生信齒莽拍手笑太虛應聲

發康崑紅日上高峯不覺我心廣白雲出幽谷思與鶴兩

往 李光昭憶陰那山詩 奇文秘石室惟待好奇子吾

不能讀書所好在山水故鄉有陰那亦可羅浮比千巖報

雲映萬壑滴石髓人家半煙霞樵徑雜紅紫瞿曇不一庵

鐫碧峯彼此神禽吟風來大蝶鼓花起堂堂神仙都目不

給賞視如何算洞天終古不到爾程鄉本儋壤此地復幽

詭埋藏亂山中詞客少至止人從塵外看略見峯五指一

徑穿雲行紆迴三十里 風懷陰那遊涼愜趁秋季獨行

無導者黃葉惜滿地問樵乃得徑聽磬始知寺向入雲幾

層一僧寺門伺入門傾禪香出門踏山翠鐵橋通船窩仙

樂忽飄至上有空濛天萬斛珍珠墜月湖轉桃源別具清

冷致晚風何蕭蕭吹我骨節利月出始歸來與僧同一醉

尚想巖阿奇游仙通夢寐 始游在甲辰繼游在乙丑相

去十餘年相思亦永以維時正仲冬夏仲得三友一路風

日和送我到林皋陰晴忽不常雨霽墜空階三日扁舟似欲紅爐煮村酒稍晴得出門寒色滿林藪十圍溜雨相似欲化龍走向來丁冬泉亦作澎湃吼香爐繞餘煙飛掠白虎百忽不霜禽啼驚折梅花口枝枝盤錯石剪剪皆環臥花笑當風中我吟出花後止游雖異昔灑落亦堪取如爲郊島詩骨立期不朽雖然近寒酸彌得孕塵垢

文志

涼傘岌在城東南一百里在松口左支迴抱矗立江心梅溪二

王志

百里長流至此一鍵上有元魁塔下有文昌閣

祥雲洞舊志在城南五里許有石洞境頗幽靜其外山麓平曠

樹林深翳

王志

聳秀峰在城南二十里形如寶蓋而秀麗聳拔因名

王志

案輿地紀勝作聳翠峰在州南五里郝通志云上有鐵佛

春

黃沙嶂在城南二十五里山層疊而愈高南望巍然獨尊中皆

種禽人

王志

案 大清一統志在城東南十五里其北面曰清涼山

據採訪冊在小密

勝人寨形如鎮圭黃沙嶂之右支昔人於此築寨避寇他寨俱破惟此獨存故名 王志

清涼山在黃沙嶂北頗產土茶舊志云山腰平夷有小寺 王志

九良峰在城南五十里 王志

案 大清一統志九狼山在城南四十里九峰錯出故

名據劉廣聰程鄉縣志有九狼峰在縣南四十里高三百八十丈九峰錯出故名而無九良峰疑後人改今名採訪冊九良峰在羅衣堡與在丙村堡之九峰山相距甚遠不得以九峰錯出相同合而爲一也又案廣東圖說作九龍嶂在城西南六十里九峰錯出故名西南有浪蕩石南界

豐順縣

城堞山在城南五十里

上志

案

大清一統志形如雉堞故名

涼傘岌在城南五十里在小桑

王志

天馬山在城南六十里脈自長樂金沙鋪來亦曰馬鞍山

王志

翠石岬在城西南三十里峭壁如削古藤絡之水從山左穿石而出相傳唐五僧祖師道場今爲皈和寺海幢道人所書額岬

上有文昌祠

王志

梅峰在城西門外舊志云平地突起形如覆鐘明孝子溫禧居其麓遍植梅樹因名又云五峰錯落似梅花五片故名又云草累如馬蹏名馬蹏峰今案梅峰梅溪此地山水宋改敬州爲梅州本以山水得名何侯明始有梅峰萬姓統譜載溫禧與志中

本傳略同俱無植梅事當是後人因禧號梅野從而附會之耳
王志

高峰在城西二里一作高峰嶺下臨小澗蜿蜒如龍躍水下有

三高峰橋王志

案方輿紀要梅峰在縣西二里平地突起形如覆鐘一名

馬曉峰其相近者曰高峰亦平地突起爲近郊之衛

西巖在城西六里一統志云中有寺曰靈境其西又有羅漢觀
音蛇山三巖宋劉安世嘗過此有題又大慧禪師曾居此著語
錄今俱不傳省志云舊有靈境院馭風臺綠榕橋諸勝今圯
案輿地紀勝西巖在州之西距城七里中有蘭若曰靈境
依山爲宇景態萬狀元祐間元城先生登覽賦詩巖之勝
狀品題殆盡廣東輿圖云其西有羅漢觀音蛇山三巖